



TOSHKENT DAVLAT YURIDIK UNIVERSITETI REKTORINING B U Y R U G ' I

01.02.2023

51-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda. Jumladan, 2023-yilning 25-yanvar kuni Universitet Odob-axloq kodeksi normalari va Ichki tartib qoidalariga amal qilish holati o'rganilganda, 1-kurs Davlat-huquqiy faoliyat yo'nalishi talabasi Muxammadiyev Islombek Oybek o'g'li dars mashg'ulotlariga soqol o'stirgan holatda kelganligi aniqlandi.

Shuningdek, fakultetning 1-kurs Davlat-huquqiy faoliyat yo'nalishi talabalari Vafoyev Feruz Baxtiyor o'g'li va Ayitboyev Diyorbek Ergash o'g'li universitet Odob-axloq kodeksi qoidalarini bilan tanishtirilgan bo'lishlariga qaramasdan universitet hududida tamaki mahsulotini iste'mol qilgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, Toshkent davlat yuridik universiteti Odob-axloq kodeksi 16-moddasi birinchi qismi yettinchi xatboshisi va universiteti Ichki tartib qoidalarini (ichki mehnat tartibi qoidalarini)ning 83-bandiga asosan

BUYURAMAN:

1. Universitet Odob-axloq kodeksi 16-moddasi birinchi qism yettinchi xatboshisida ko'rsatilgan qoidalarini buzganligi uchun Ommaviy huquq fakulteti 1-kurs talabalari Muxammadiyev Islombek Oybek o'g'li, Vafoyev Feruz Baxtiyor o'g'li va Ayitboyev Diyorbek Ergash o'g'liga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):
ushbu buyruq bilan fakultet talabalarini tanishtirsin;
mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida

ogohlantirsin;

mazkur talabalarning shaxsiy hujjatlar yigʻma jildlariga buyruq nusxasi tikilishini taʼminlasin.

3. Mazkur buyruq bajarilishini nazorat qilish Yoshlar masalalari va maʼnaviy-maʼrifiy ishlar boʻyicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

